

毛詩傳箋通釋

毛詩傳箋通釋卷十七

小雅

桐城馬瑞辰學

鹿鳴

序既飲食之又實幣帛筐篚以將其厚意箋飲之而有幣酬幣也食之而有幣侑幣也正義此惟有饗食之幣不言燕幣燕禮亦當有焉但今燕禮惟有好貨無幣故文不顯言之瑞辰按周官掌客言上公之禮三饗三食三燕若弗酌則以幣致之鄭注不饗則以酬幣致之不食則以侑幣致之賈疏燕禮褻不親酌蓋不致今按賈說非也經文以幣致之承上饗食燕三者而言不得謂燕不以幣致也鄭注獨言饗食者特以明酬幣侑幣之

分耳聘禮云饗禮乃歸鄭注禮謂食燕也王或不親以  
其禮幣致之畧言饗禮互文也是鄭君亦謂食燕皆以  
幣致矣饗主於飲用酬幣食主於食用侑幣燕則飲食  
兼之當並用酬幣侑幣此詩主燕羣臣而經曰承筐是  
將序曰既飲食之又實幣帛筐篚以將其厚意正可爲  
燕禮兼有酬幣侑幣之證箋云酬幣侑幣皆指燕禮正  
義謂指饗食者誤也周語先王之燕體解節折而共飲  
食之于是乎折俎加豆酬幣宴貨以示容合好此皆燕  
禮有幣之證正義謂燕禮無幣失之

呦呦鹿鳴傳鹿得萍呦呦然鳴而相呼瑞辰按淮南子  
鹿鳴與于獸而君子美之取其見食而相呼也義同毛

傳說文呦鹿鳴聲也呦或从欠作歛廣雅呦呦鳴也

食野之苹傳苹萍箋苹蘋蕭也

瑞辰

按萍爲水草非鹿

所食此當以箋爲正爾雅苹萍說文苹萍也無根浮水而生者皆合苹萍爲一據夏小正七月苹莠傳苹也者馬帚也說文作莽馬帚也與萍苹也異物爾雅莽馬帚郭注莽似蒼可以爲掃帚管子地員篇莽下于蕭莽亦蒿之屬蓋與苹蘋蕭同物毛傳當作苹莽謂苹卽爾雅之莽馬帚以苹爲莽之叚借猶夏小正叚苹爲莽非以苹爲水中之萍也箋以苹爲蘋蕭亦申傳非易傳也後人因爾雅有苹萍之文因誤改毛傳之莽爲萍耳

人之好我示我周行傳周至行道也箋示當作寘寘置

也周行周之列位也好猶善也人有以德善我者我則置之於周之列位言已維賢是用瑞辰按鄭注柴誓云至猶善也是知傳訓周行爲至道卽善道也鄭注鄉飲酒禮引詩云嘉賓示我以善道義與毛合至箋詩則義同卷耳不如從毛傳訓爲至道爲善此詩三章文法參差而義實相承首章前六句言我之敬賓後二句言賓之善我二章前六句卽承首章人之好我言後二句乃言我之樂賓三章前六句卽接言賓之樂後二句又申言我之樂賓以明賓之樂實我有以致之也傳於三章云夫不能致其樂則不能得其志不能得其志則嘉賓不能盡其力蓋通釋全詩之義

視民不佻傳佻愉也箋視古示字也飲酒之禮於旅也  
語嘉賓之語先王德教甚明可以示天下民使之不愉  
於禮義愉正義云定本作愉瑞辰按說文視瞻也示天  
衆象見吉凶所以示人也是視與示二字各別箋以視  
爲古示字者謂古字多借視爲示也禮記幼子常視無  
誑士昏禮視諸衿顰鄭注皆以視爲示義與此同爾雅  
佻愉也說文佻愉也愉薄也左氏昭十年傳及說文玉  
篇引詩皆作視民不佻服注左傳云示民不愉薄與箋  
義合是字當以作佻及愉爲正佻愉二字皆說文所無  
今毛詩經作佻定本作愉皆俗字

君子是則是倣傳是則是倣言可法倣也箋是乃君子

所法倣言其賢也

瑞辰

按說文效象也無倣字倣蓋卽

效之或體古通作效詩民胥倣矣左傳引作民胥效矣  
昭七年左傳引此詩亦作君子是則是效是也又通作  
設儀禮注引詩君子是則是設設卽效之音近段借蓋  
本三家詩又按傳言可法倣者謂君子可爲人則效是  
謂君子卽嘉賓鄭注鄉飲酒燕禮皆以爲嘉賓有明德  
可則倣與傳義合至箋詩則謂嘉賓爲君子所則倣以  
經文求之經言是則是倣不言可則可倣當以箋義是  
允正義不知傳箋異義合而爲一亦非

嘉賓式燕以敖傳敖遊也

瑞辰

按孟子般樂怠敖皆言

樂也爾雅舍人注云敖意舒也凡人樂則意舒是知敖

有樂意傳訓敖爲遊者說文敷出遊也从出放郝風曰  
以放以遊敖遊同義也遊與豫同義孟子趙岐注豫亦  
遊也爾雅豫樂也則遊亦樂也嘉賓式燕以敖猶南有  
嘉魚詩嘉賓式燕以樂車輦詩式燕且喜式燕且譽也  
與與豫通昭二年左傳宣子譽之服虔注譽遊也孟子  
趙注引春秋傳宣子豫焉是與豫通用之證朱子集傳  
引蘇氏曰凡詩之譽皆言樂是知服虔訓譽爲遊亦謂樂三章以燕樂嘉賓之心燕  
樂猶上言式燕以敖耳

食野之芣傳芣草也釋文引說文云芣蒿也瑞辰按今

本說文亦作芣草也當从釋文所引訓蒿爲是首章食  
野之芣爲賴蕭卽賴蒿三章食野之芣亦蒿屬正與二  
章食野之蒿相類足證古人因物起興每多以類相從



和樂且湛傳湛樂之久也釋文湛字又作耽瑞辰按爾雅耽樂也湛及耽耽皆堪字之段借  
說文有耽云耳說大至也無耽字  
文姬樂也常棣詩釋文引韓詩耽樂之甚也此詩韓詩蓋亦作耽堪借作耽猶耽忱通作湛也  
詩天難忱斯韓詩作湛

四牡

四牡騤騤傳騤騤行不止之貌瑞辰按廣雅騤騤疲也行不止則必疲與毛傳義正相承  
說文斐往來斐斐也廣韻作斐斐往來貌人之往來曰斐斐馬之行曰騤騤其義一也禮車馬之容匪匪翼翼鄭注匪讀如四牡騤騤是騤騤與匪匪義同

周道倭遲傳周道岐周之道也倭遲歷遠之貌釋文韓

詩作倭夷

瑞辰

按周有大義此當从朱子訓爲大道倭

遲倭夷皆疊韻文選琴賦注引韓詩周道倭夷與說文  
釋文竝同西征賦注又引韓詩周道威夷薛君章句曰  
威夷險也廣雅賦險也義本韓詩威夷猶言鍛鑠說  
文廣雅竝曰鍛鑠不平也不平故爲險險阻者必邪曲  
天台山賦旣克躋于九折路威夷而修通威夷承九折  
言正狀其邪曲也說文透字注云透迤衰去之兒音義  
與威夷竝相近邪曲則必紆遠故義又轉爲長文選謝  
元暉詩威紆距遙甸李善注威紆威夷紆餘流長之貌  
也顏延年秋胡行行路正威遲李注引毛傳倭遲歷遠  
貌又引韓詩周道威夷其義同是知毛韓詩字雖異而

音義竝相近此當从毛傳歷遠之訓倭威遲夷四字古

音同部故通用倭通作威猶委虍通作威夷也

爾雅威夷長脊

而泥卽說文委虍虎之有角者也

遲通作夷猶陵遲通作陵夷也漢書

地理志郁夷注引詩周道郁夷倭郁二字雙聲故通用

此當爲齊魯詩顏師古以爲韓詩蓋誤又按說文倭順

貌引詩曰周道倭遲此又與韓詩訓險以相反而成義

嘽嘽駱馬傳嘽嘽喘息之貌馬勞則喘息

瑞辰

按說文

嘽喘息也引詩嘽嘽駱馬本毛詩又曰疹馬病也引詩

疹疹駱馬蓋本三家詩嘽與疹一聲之轉故通用嘽之

言嘽說文嘽勞病也廣雅疹疹疲也玉篇疹吐安切力

極也引詩疹疹駱馬亦爲嘽說文揮字注讀若行遲嘽

驪據顏師古漢書注引詩驪驪駉馬驪驪亦當爲三家  
詩之異文嘽通作彥與和桓通音爲一類猶漢書地理  
志沛郡鄆孟康曰音多周縹傳封縹子爲鄆侯蘇林亦  
音鄆爲多也

不遑啟處傳遑暇啟跪處居也瑞辰按爾雅倥暇也倥  
卽遑之別體爾雅啟跪也郭注小踞李廵云小跪也啟  
當爲踞之段借說文踞長跪也段玉裁本作長踞今按  
此詩傳跪字釋文云郭巨凡反正讀如踞是毛傳跪亦  
踞也踞通作臚史記滑稽傳髡舂鞬臚徐廣曰臚音  
其紀反與踞同謂小跪也踞又通起釋名踞忌也見所  
敬忌不敢自安也又曰起啟也啟一舉體也啟一舉體

蓋卽小跪之謂也古人坐與跪皆剡著於席惟坐下其  
腓跪聳其體爲異而跽與跪又微有別係於拜曰跪故  
說文曰跪拜也不係於拜曰跽跪爲兩剡據地有危象  
跽則半跪有安象故爲小跪又曰小跽說文曰長跽者  
長通作踞方言東齊海岱北燕之郊跪謂之踞蹙郭注  
今東郡人亦呼長跽爲踞蹙是也至蹲踞之踞古只作  
居謂足底著地而下其腓聳其郛與啟爲小跪不同廣  
雅訓啟爲踞據說文異長踞也啟當爲異之段借非此  
詩之啟處也啟處猶言啟居據傳云處居也居當爲尻  
之段借說文尻處也从尸尸得几而止也凡人閒居  
之時皆凭几而坐傳訓處爲居與說文訓尻爲處爲互

訓又此詩言不遑啟處采薇出車皆作不遑啟居是知居卽處也則知居非蹲踞之踞當爲尻之借字矣

翩翩者騅傳騅夫不也箋夫不鳥之慤謹者人皆愛之可以不勞猶則飛而下止於栩木喻人雖無事其可獲安乎感厲之

瑞辰

按爾雅佳其鵠鵠郭注今鵠鵠鵠卽

夫不之合聲今俗呼爲勃姑鵠勃亦語之轉也左氏昭十七年傳祝鳩氏司徒也孔疏引樊光曰祝鳩夫不孝故爲司徒是知詩以騅取興者正取其爲孝鳥故以興使臣之不遑將父不遑將母爲騅之不若耳箋說非詩義也又按正義引舍人云騅名其夫不李巡曰夫不一名騅是知爾雅讀各不同毛傳及李巡皆以夫不爲名

卽以佳其字連讀傳只言離者順經文也舍人則以其夫不三字連讀故詩疏兼引以證其異左傳疏引舍人曰佳一名夫不蓋誤脫一其字又按陸疏離其今小鳩也一名鴉鳩梁宋之間謂之離又云斑鳩項有繡文斑然鴉鳩灰色無繡項鴉鳩卽鴉鳩是離卽今俗名勃姑之證

將母來諭傳諭念也箋諭告也君勞使臣述敘其情女曰我豈不思歸乎誠思歸也故作此詩之歌以養父母之志來告於君也

瑞辰

按傳蓋以諭爲念之同音假借

箋則从其本義說文諭深諫也義與箋訓諭爲告者合但以經文求之仍从傳訓念爲是又按王尙書曰來詞

之是也將母來諭言我惟養母是念箋訓來爲往來之來失之

### 皇皇者華

皇皇者華傳皇皇猶煌煌也

瑞辰

按爾雅釋言華皇也

一本作皇華也以說文引爾雅皇華也非釋草蒹葭華

證之作皇華也爲是今本作華皇也非榮提郭註釋言引釋草莖華榮是讀蒹葭爲句莖華榮

爲句說文曰蒹葭淪讀若萌又曰葭草之皇榮也又曰

蒹榮也是以蒹字屬上其萌蘢爲句而以葭莖及華榮

各爲句與郭讀異至說文莖作𦵏云𦵏蒹榮也从𦵏皇

聲皇卽皇之消說文

皇草木妄生也讀若皇爾雅𦵏蒹也或作莖當爲

釋言華皇也之異文若以𦵏華爲釋草之文則釋草榮



字爲贅文矣皇卽莖之消爲萼榮之貌華皇以雙聲爲義重言之則曰皇皇詩蓋以華之有光榮與使者之有光華序所云遠而有光華也

駢駢征夫傳駢駢衆多之貌征夫行人也

瑞辰

按說文

駢馬衆多貌說文榮字註讀若詩莘莘征夫據韓詩外傳說苑引詩竝作莘莘是知作莘莘者韓詩駢莘古聲轉通用猶螽斯詩訖訖說文作𦍋𦍋有莘氏呂氏春秋作有𦍋也說文𦍋行貌據楚辭招魂豺狼從目往來𦍋𦍋王逸注𦍋𦍋往來聲也

聲當爲兒之譌

引詩𦍋𦍋征夫玉篇

𦍋往來𦍋𦍋行聲引詩𦍋𦍋征夫作𦍋𦍋者蓋齊魯詩以經義求之當从說文訓爲行貌爲是𦍋𦍋者謂征夫

往來行貌也駢駢莘莘皆僣僣之同聲段借

我馬維駒釋文駒音俱本亦作驕瑞辰按說文馬高六

尺爲驕引詩我馬維驕是毛詩古本作驕之證驕與駒

雙聲古蓋讀驕如駒以與湍驅詼合韻與漢廣詩以駒

韻夔株林詩讀以駒韻株者其本字皆當爲驕正同後

人據音以改字遂作駒耳

每懷靡及傳每雖懷和也箋春秋外傳曰懷和爲每懷

也和當爲私衆行人旣受君命當速行每人懷其私相

稽留則於事將無所及矣瑞辰按懷和以雙聲爲義故

外傳以懷和爲每懷而毛傳本之箋易和爲私失其義

矣鄭引外傳而破之云和當爲私其所引外傳仍當作

懷和正義本作私亦誤釋言每有雖也此毛傳每雖所  
本又證以末章傳云雖有中和當自謂無所及則傳有  
每雖二字明矣正義謂鄭所據本無每雖亦非鄭改和  
爲私自易毛義非述毛也又按廣雅每雖詞也是每雖  
皆語詞不爲義常棣詩每有良朋與雖有兄弟詞異而  
義同

### 常棣

常棣之華傳常棣棣也釋文本或作常棣移瑞辰按御  
覽引詩棠棣之華常爲棠字之段借釋文云本或作常  
棣移是也一證之藝文類聚木部引韓詩序曰夫移燕  
兄弟閔管蔡之失道也又引韓詩曰夫移之華萼不燁

煒直以夫移代常棣則常棣卽爲夫移可知矣一證之  
秦風山有苞棣毛傳棣唐棣也以唐棣釋棣則必以常  
棣爲移矣一證之論語唐棣之華何晏集解云唐棣移  
也攬春秋繁露竹林篇引論語作棠棣之華文選廣絕  
交論李善註引亦同則知論語本一作棠棣故何平叔  
訓爲移也孔安國論語解云唐棣棣也是一證之說文  
知孔作唐棣與何異故以爲棣移棠棣也棣白棣也說文多本毛傳則毛傳原作常棣  
移可知矣玉篇亦曰移棠棣也是又本之說文耳惟爾  
雅云唐棣移常棣棣蓋以唐棠常聲同傳寫互譌然文  
選甘泉賦注引爾雅正作棠棣移則今本作唐棣移或  
以聲同而誤又何彼禮矣詩唐棣之華毛傳唐棣移也

經傳唐棣皆當爲常棣之譌釋文轉據當時爾雅誤本而以毛傳訓移爲誤蓋失之矣段玉裁謂常與唐同字亦非邢叔明爾雅疏於移下引陸疏云奧李也一名雀梅一名車下李藝文類聚引禮記義疏云夫移一名萸李今按萸李實似櫻桃有赤白二種說文以棣爲白棣則夫移爲赤棣可知皆卽今郁李之類郭註爾雅直以夫移爲白移謂似今之白楊樹失之又按論語唐棣卽棠棣而言偏其反而者謂其華初開反背終乃合并也詩取以喻管蔡失道者亦取其始華反背爲興

鄂不韡韡傳鄂猶鄂鄂然言外發也韡韡光明也箋承華者曰鄂不當作拊拊鄂足也鄂不得華之光明則韡

韓然盛興者喻弟以敬事兄兄以榮覆弟恩義之顯亦  
韓韓然古聲不拊同瑞辰按此从毛傳讀爲是玉篇曰  
不詞也王肅述毛曰不韓韓言韓韓也以興兄弟能內  
睦外禦則強盛而有光燿若常棣之華發也王尙書曰  
不乃語詞鄂不韓韓猶言天之沃沃其說是也據藝文  
類聚引韓詩作萼不焯焯則鄭箋訓鄂爲花萼之萼其  
說蓋本韓詩說文茅華盛从草不聲或謂不卽茅字之  
省然不若毛傳爲善

死喪之威傳威畏箋死喪可畏怖之事瑞辰按威畏雙

聲古通用古者謂兵死曰畏白虎通喪服引檀弓曰不  
弔三畏厭溺也畏者兵死也又通典八十三引盧植云

畏者兵死所殺也周禮冢人凡死于兵者不入兆域此詩原隰哀矣朱子集傳謂尸哀聚於原隰之間則上言死喪之威正言兵死故知威卽畏也列女傳引詩而釋之曰言死可畏之事兄弟甚相懷也正以畏釋詩之威又呂覽勸學曰曾點使曾參過期而不至人皆見曾點曰無乃畏邪高注畏猶死也是古通謂死爲畏亦取可畏怖之意耳至晉書夏侯湛傳引詩死喪之威白帖死喪之感皆以形近而誤詩以威與懷爲韵若作戚則非韵矣

原隰哀矣傳哀聚也

瑞辰

按說文繫傳本及玉篇竝引

詩原隰捋矣藝文類聚引詩作哀爾雅哀聚也釋文哀

古字作褻本或作攄易君子以裒多益寡釋文裒鄭荀

董蜀才作攄唐石經作褻與此詩裒或作攄或作褻者

正同據說文攄引堅也堅土積也

詩經釋文引說文作引取土者乃傳寫者

譏分堅

字爲二堅與聚同義廣雅攄取也取與聚義亦相近字

當以攄爲正褻乃攄之同聲段借字裒字爲說文所無

又褻字之俗也褻字古同聲說文褻从衣保消聲保古

文保字古文作𠂔从𠂔𠂔亦古文保故二字通用說文

又云攄或从包作抱包與保亦同聲今人用爲褻褻字

鮮知爲攄之異文矣

况也永歎傳况茲釋文况或作兄非也

瑞辰

按說文兄

長也卽滋長之義又矢部𠂔下曰兄詞也古兄音讀如



荒轉聲讀如況凡詩傳箋訓茲者其字本皆作兄兄也  
永歎猶云滋之永歎也說文茲草木多益也滋益也是  
茲與滋同義古矧兄比兄亦皆作兄後乃通用寒水之  
況字况又況之俗字釋文轉以或作兄爲非失之

兄弟闕于牆傳闕很也

瑞辰

按爾雅釋言闕恨也郭注

相怨恨據昭二十四年左傳正義引爾雅闕很也孫炎  
曰很戾也李巡本作恨爾雅釋文闕恨也孫炎作很  
是知孫李本不同郭註从李今按曲禮很無求勝鄭注  
很闕也是很闕二字互訓當作闕很爲是唐書高麗傳  
今男生兄弟闕很義本此詩說文闕恒訟也訟爭也方  
言宋衛之間凡怒而噎噎謂之魯闕俱與很義近字以

作很爲正李巡本作恨段借字也郭璞从李遂以怨恨釋之則非

外禦其務傳務侮也瑞辰按爾雅釋言務侮也左氏僖

二十四年傳及周語引詩皆作外禦其侮務卽侮之段借務侮二字雙聲故通用務从攷聲與霧从谿聲正同

以霧讀近蒙證之則務亦得讀若蒙爾雅天氣下地不應曰霧說文漢五行志作霧洪範作蒙鄭王本作雩鄭注雩音近蒙今按

霧卽霧字之消藉从攷聲讀蒙則務从攷聲亦讀近蒙

正與戎音協同在東冬部蓋古字亦有數讀務本在尤

幽部轉讀得與戎韻也荀子禮論曰薦器則有整而無

縱注整之言蒙也冒也汪中曰整蒙冒語之轉亦務可

轉蒙之證劉原甫欲改戎爲戍以韻務失矣或疑蒙在

東韻戎在冬韻東冬之界唐人始滑之然旄邱詩狐裘  
蒙戎與東同相協則東冬亦間有合韻者不得謂狐裘  
蒙戎一句爲非韻也

烝也無戎傳烝填戎相也箋烝久也猶無相助已者古  
聲填寘塵同

瑞辰

按傳訓烝爲填而箋訓烝爲久謂古

聲填寘塵同者據爾雅釋詁塵久也釋言烝塵也爲說  
謂傳填卽塵也填塵同聲猶古田陳同聲孫炎曰烝物  
久之塵據史記集解引韋昭曰陳久也知塵卽陳之同  
聲段借非塵埃之塵郭注爾雅謂人衆所以生塵埃失  
其義矣

不如友生

瑞辰

按生語詞也唐人詩太瘦生及凡詩何

似生作麼生可憐生之類皆以生爲語助詞實此詩及伐木詩友生倡之也

飲酒之飫傳飫私也不脫屢升堂謂之飫箋私者圖非常之事若議大疑於堂則有飫禮焉聽朝爲公瑞辰按

飫私之飫與立飫之飫當是二義周語王公立飫則有房蒸親戚宴享則有肴蒸又曰飫以顯物燕則合好此立飫之禮大於燕者也爾雅飫私也郭注燕飲之私說

文作饌云饌燕食也引詩飲酒之饌韓詩作醕文選注六引韓

詩飲酒之醕云能飲者飲不能者已謂之醕說文醕宴私飲

也又通作醕廣韻醕能者飲不能者止也此飫私之飫與燕異名同實者也立飫以立爲禮飫燕則坐立飫不

脫屣而升堂飫私則跣飫私當以韓詩作醢爲正字毛詩作飫者段借字也角弓詩如食宜餽傳餽飽也據廣韻飫飽也厭也彼餽卽飫之段借此詩又段飫爲醢以古音讀之醢與豆具孺韻正協作飫則聲入蕭宵部毛詩蓋讀飫如醢也初學記引韓詩內傳曰夫飲之禮不脫屣而卽席者謂之禮跣而升堂者謂之宴能者飲不能飲者已謂之醢其所云不脫屣而卽席者謂之禮與毛傳云不脫屣升堂謂之飫合此立飫之禮也又曰跣而升堂者謂之宴能者飲不能飲者已謂之醢此飫私之義以飫飽爲度者也是韓詩亦分立飫及飫私爲二義矣毛傳旣曰飫私也又曰不脫屣升堂謂之飫蓋廣

異義不云一曰者消文也鄭箋蓋誤合爲一故以私爲圖非常之事耳段玉裁亦知飲私非卽立飲而疑毛傳不脫屢升堂謂之飫句首不字誤衍說亦未確至說文餽飽也从勺餽聲民祭祝曰厭餽其字讀已又切與廢从殸聲正同或讀乙庶切以爲飫之通者誤也

妻子好合如鼓瑟琴箋好合志意合也合者如鼓琴瑟之聲相應和也

瑞辰

按姜宸英湛園札記曰詩比妻子

曰如鼓瑟琴禮明堂位有大琴大瑟中琴中瑟凡用大琴必用大瑟配之用中琴必用中瑟配之然後大者不陵細者不抑而五聲和蓋取其相配以爲和也又云有雅琴頌琴則雅瑟頌瑟實爲之配亦取琴瑟相合之義

可取以補正義之缺

伐木

神之聽之箋此言心誠求之神若聽之使得如志

瑞辰

按以經文求之並無求通神明之意且神之與聽之相對成文不得言神若聽之也爾雅釋詁神慎也慎誠也神之卽慎之也荀子非相篇曰寶之珍之貴之神之楊倞注神之謂不敢慢也又曰辨之明之持之固之句法與此詩同廣雅聽從也聽之謂能聽從是言也小明詩亦無求神之義兩言神之聽之義同此蜀志卻正作釋譏云蓋易著行止之戒詩有靖恭之歎乃神之聽之而道使之然也其所云神之聽之亦當訓爲慎之從之不

以神爲神明韓詩外傳引此詩釋作神明箋義蓋本韓詩然於經旨不合

伐木許許傳許許栳貌

瑞辰

按許所古同聲通用凡言

何許猶何所也幾所猶幾許也穀梁傳所俠卽許俠也說文引詩伐木所所云所所伐木聲也玉篇亦云所伐木聲也蓋本三家詩前章丁丁爲伐木聲則此章許許亦伐木聲段玉裁謂丁丁刀斧聲所所爲鋸聲其說近之至毛傳云許許栳貌栳當作棟說文棟削木札樸也札樸乃木皮晉書王濬造船木棟蔽江而下是其證也以許許爲棟貌不若說文以爲伐木聲爲允醴酒有英傳以筐曰醴以藪曰滑與美貌

瑞辰

按說文



濕醲酒也一曰浚也醲下酒也一曰醇也此詩有莫有  
衍傳皆訓爲美貌醲酒正當从說文醇酒之訓醇與醲  
通廣雅醲美也說文無莫字當讀如楚茨我黍與與之  
與廣韻稌稌黍稷美也玉篇莫酒之美也字亦作醲廣  
韻曰醲酒有醲醲酒之美也古無莫醲等字蓋通段作  
與字耳

有酒湑我無酒醑我傳湑舊之也醑一宿酒也箋醑買  
也瑞辰按說文湑舊酒也舊古縮字周官醴齊縮酌卽  
此湑爲舊酒必浚之漉之去其渣猶說文訓指爲取水  
沮沮卽今之渣字也醑對湑言湑必以暇時舊之醑則  
可以猝爲之當從傳訓一宿酒爲是說文醑一宿酒也

徐鍇曰謂造之一夜而孰若今鷄鳴酒也釋文酤毛讀如戶說文同今按酤當讀苦良之苦周官典婦功苦戶音亦相近苦之言鹽謂麤也酤酒之不暇舊猶苦鹽之不暇凍治也酤又通作沽沽亦麤略之義檀弓杜橋之母宮中無相以爲沽也鄭注沽畧也酤酒以一宿而成是爲麤略之甚

坎坎鼓我

瑞辰

按坎者鞞之段音說文引詩作鞞鞞鼓

我段玉裁說文本鞞从久从章彖聲彖古音讀苦洪洪顧煊曰靈臺詩鼗鼓逢逢呂氏春秋高注一切經音義卷六引詩鼗鼓鼗鼗卽鞞字之省今按鞞古音讀若逢與坎古音讀若空相類說文又曰鼗鼓聲也亦與鞞

从夆聲者音近而義同說文引作譏者蓋三家詩毛詩  
借作坎坎無傳者已見陳風傳也或謂當从說文今本  
引作舞我者非也

天保

俾爾單厚傳俾使單信也或曰單厚也箋單盡也

瑞辰

按單者亶之段借爾雅邢疏引某氏注云詩曰俾爾亶  
厚潛夫論引詩亦作俾爾亶厚蓋本三家詩說文亶多  
穀也亶之本義爲多穀引伸之爲信厚爾雅釋詁亶信  
也又亶厚也此當訓厚猶多益馘穀皆二字同義也單  
與亶同聲而義近故通用說文單大也墨子厚有所大  
也單厚同義皆爲大也辛紹業曰說文單从叩卑叩亦

聲闕早卽昂之隸體猶闕隸省作單是也單厚卽指下  
福言予福之厚箋云天使女盡厚天下之民失之

何福不除傳除開也箋何福而不開言開出以予之瑞

辰按襄二十九年左傳然明日政將焉往裨諶曰其焉

辟子產舉不踰等則位班也擇善而舉則世隆也天又

除之奪伯有魄王觀察曰除開也言天又開除子產天

又除之猶言天又啟之今按王說是也訓除爲開與此

詩毛傳義合開猶啟也啟猶起也詩啟居一作起居起猶興說文

興起也僖二十三年左傳叔詹諫曰臣開天之所啟人

弗及也下文楚子又曰天將興之誰能廢之天所啟卽

天所興則此何福不除訓開開亦爲興猶下章以莫不

興耳又按傳止訓除爲開而箋言開出以予之者除余

古通用爾雅四月爲余小明詩箋作四月爲除是其證

也余予古今字見曲禮鄭注余通爲予我之予卽可通爲賜

予之予說文与賜予也与及與同說文煥讀若余从余

聲可段爲余卽可段爲予何福不除猶云何福不予予

與也授也凡史記言除吏漢書言除官皆謂授以官除

與此詩何福不除同義舊皆以除舊生新釋之失其義

矣開與閉對文左傳晉饑秦輸之粟秦饑晉閉之糶古

以不與爲閉則知以開爲與是言開卽有予義故箋言

開出以予之以申傳義開卽予也是知左傳言天方授

楚者猶說苑善說篇云天方開楚也開啟興皆發也卽

皆予也今俗語云發福正與古合又按除者殿陛之名  
訓開者蓋以除爲捺之段借說文捺卧引也廣雅捺引  
也法言問神篇捺中心之所欲宋咸注捺引也說文引  
者開弓也段除爲捺故訓開開卽引也又按除爲陛陛  
以次漸進亦與引申之義相近

俾爾戩穀傳戩福穀祿

瑞辰

按爾雅戩福也方言福祿

謂之祿戩是戩古訓福之證說文戩滅也爾雅滅盡也  
盡之義兼美惡福者備也盡與備義近故戩亦得訓福  
降爾遐福箋遐遠也

瑞辰

按遐與遐聲近而義同爾雅

遐大也說文遐大遠也遐訓遠者當卽遐字之段借遐

又與胡通遐胡雙聲逸周書諡法解竝曰胡大也士冠

禮永受胡福卽此詩遐福也

吉蠲爲饔傳吉善蠲絜也釋文蠲舊音圭惠棟曰案呂

覽曰臨飲食必蠲絜高注蠲讀爲圭蓋三家詩本作吉

圭爲饔故高讀从之

瑞辰

按士虞禮饗辭曰哀子某圭

爲而哀薦之饗註圭絜也詩曰吉圭爲饔周官蜡氏令

州里除不蠲注蠲讀如吉圭惟饔之圭圭絜也又宮人

註蠲猶絜也引詩吉蠲爲饔釋文蠲音圭書蠲絜馬融

音圭蓋古音蠲讀如圭音同而義亦同故白虎通曰珪

之爲言潔也孟子趙注廣雅竝曰圭潔也是知三家詩

作吉圭蠲讀同圭亦有絜義周禮宮人除其不蠲鄭注

蠲猶潔也爾雅釋言蠲明也郭注蠲清明貌祭義注明

猶潔也楚茨詩祀事孔明箋明猶備也絜也大戴禮諸  
侯遷廟篇盧辨注引詩絜蠲爲饎吉絜雙聲三家詩吉  
或作絜絜之言潔絜蠲二字同義猶呂覽蠲絜二字並  
言也

是用孝享傳享獻也箋謂將祭祀也

瑞辰

按爾雅享孝

也王尙書曰酒誥曰用孝養厥父母釋名引孝經說孝  
畜也畜養也廣雅高養也是孝享二字同義故享祀亦  
曰孝祀此詩及易萃彖傳竝曰孝享其說是也孔疏曰  
是用致孝敬之心而獻之失其義矣

君曰卜爾傳君先君也尸所以象神卜予也

瑞辰

按釋

詁卜予也與傳合白虎通卜赴也古卜音近赴亦與付



近故訓予倬彼甫田詩秉畀炎火韓詩秉作卜云卜報也卜報二字雙聲則此詩卜爾猶云報爾楚茨詩卜爾百福猶云報以景福也又釋詁畀予也畀與卜亦雙聲卜訓予者或卽畀之段借

神之弔矣傳弔至

瑞辰

按說文迺至也弔卽迺之消借

字神之弔矣猶云神之格思格與格通方言假格皆訓至

民之質矣日用飲食傳質成也箋成平也民事平以禮飲食相燕樂而已

瑞辰

按廣雅常質也此詩質卽爲常

謂民安其常惟日用飲食猶擊壤歌言耕田而食鑿井而飲也

羣黎百姓傳百姓百官族姓也

瑞辰

按堯典平章百姓

百官也而毛傳言百官族姓者楚語觀射父曰民之徹官百王公之子弟之質能言能聽徹其官者而物賜之姓以監其官是爲百姓韋昭注百姓百官有世功者又曰百姓百官也官有世功受氏姓也又鄭康成曰百姓羣臣之父兄子弟管子君臣上篇云百姓量其力於父兄之間是百官本百官賜姓之稱故曰百官族姓後遂通以爲百官之稱又以稱衆民如論語修己以安百姓之類是也

徧爲爾德箋羣黎百姓徧爲女之德言則而象之

瑞辰

按爲當讀如式訛爾心之訛訛化也徧爲爾德猶云徧

化爾德也爲与化古皆讀若譌故爲訛化古竝通用堯  
典平秩南訛史記五帝紀作南爲梓材厥亂爲民論衡  
效力篇引作厥率化民是其證矣箋言則而象之蓋亦  
讀爲如譌其言偏爲女之德猶云徧化女之德也

如月之恒傳恒弦箋月上弦而就盈釋文恒本亦作絙  
同古鄧反沈古恒反正義集注定本絙字作恒瑞辰按

恒及絙恒古通用考工記恒角而短鄭司農曰恒讀  
爲絙絙之絙說文絙大索也一曰急也又曰絙引急也  
王逸注九歌云絙急張弦也廣韻絙急張亦作絙是絙  
爲急張弦之貌故以狀月之上弦也據說文恒字注云  
古文恒从月作𠄎引詩如月之恒則許君言古文恒有

从二中月作死者其所見詩自作恒與崔集注定本同耳恒又姁作橫亘之亘唐華嚴三會普光明殿功德碑如月之亘森菌桂以馨香是也蓋亦猶亘之與經通耳無不爾或承箋或之言有也如松柏之枝葉常茂盛青青相承無衰落也瑞辰按承者引也引者伸也導也昏禮承子以授壻言引女以授壻也漢書賈誼傳人主胡不引殷周秦事以觀之也大戴記禮察篇引作承是承卽引也此總上如月之恒五句而言五如字皆以形容福之久長且盛無不惟爾是引猶第三章以莫不興以莫不增亦總如山如阜三句言之不專以以莫不增承如川之方至言也傳以承爲松柏之青青相承失之

采薇

獫狁之故傳獫狁北狄也箋北狄今匈奴也瑞辰按獫狁釋文云本亦作獫允史記匈奴傳匈奴其先祖夏后氏之苗裔也曰淳維唐虞以上有山戎獫狁葷粥居于北蠻索隱引應劭風俗通曰殷時曰獫粥改曰匈奴又晉灼曰堯時曰葷粥周曰獫狁秦曰匈奴今按孟子曰文王事獫粥而詩序言文王命將伐獫狁是殷時兼名獫粥獫狁之證逸周書敘文王西距昆夷北備獫狁謀武以明威德作武稱與詩序合漢書匈奴傳以采薇爲懿王時詩蓋本三家詩說

靡使歸聘傳聘問也箋無所使歸問言所以憂釋文靡

使如字本又作靡所

瑞辰

按作靡所者是也此承上我

戍未定言之言其家無所使人來問非謂無所使人歸  
問歸當讀爲歸方言歸使也玉篇亦云歸使也箋云無  
所使歸問者知歸爲歸之始借以使釋歸猶云靡所使  
問與桑柔詩靡所止疑靡所定處句法正同今本因鄭  
箋有使字又罕聞歸之訓使遂誤易所爲使猶賴釋文  
以存古本方言有歸使之訓而知箋之使字乃以釋經  
文歸字耳

我行不來傳來至也箋來猶反也據家曰來

瑞辰

按爾

雅釋訓不俟不來也釋文本作不俟說文引詩曰不俟  
不來蓋以釋訓語爲釋詩遂以詩稱之猶引毛傳不醉

而怒曰爨亦作詩曰也凡爾雅釋詩皆經字在上臧庸  
疑詩本作我行不獫故釋訓以不來釋之陳壽祺謂爾  
雅釋詩之字多與三家合三家詩或作我行不獫爾雅  
以不來釋之毛詩自用本字作不來未可專執毛以繩  
之也今按陳說爲允段玉裁疑爲釋召南不我以然爾  
雅不獫不來也與不遘不蹟也對文若以爲不我以之  
異文則刪去經文我字矣

彼爾維何傳爾華盛也

瑞辰

按說文爾華盛引詩彼爾

惟何又爾字注麗爾猶靡麗也三蒼解詁云爾華繁也  
是爾與爾音義同古讀如彌與靡音同又讀近旖旎之  
旎皆盛貌也自後人借爲爾汝之稱而爾之本義晦矣

彼路斯何君子之車箋斯此也君子謂將率正義卿車得稱路者左傳鄭子蟠卒赴于晉晉請王追賜之大道以行禮也又叔孫豹聘于王王賜之大道是卿車得稱路也故鄭箴膏盲云卿以上所乘車皆曰大路詩云彼路斯何君子之車此大夫之車稱路也瑞辰按斯爲諸詞斯何猶維何也箋訓斯爲此矣之白虎通路者君車也天子大路諸侯路車大夫軒車士飾車此蓋周制至殷時車蓋通名路論語乘殷之輅輅卽路也後漢輿服志注引服虔曰大路總名也如今駕駟高車矣尊卑俱乘之其采飾有差蓋以釋殷大路之制文王伐獫狁在殷時故戎車亦通稱路胡承珙曰此詩之路只泛言車



之大貌而非卽車名猶上彼爾爲華盛之貌而非卽華名也至周制大路及路有別後漢輿服志云夷王以下周室衰弱諸侯大路此諸侯僭用大路也至春秋王賜鄭子蟠及叔孫豹皆以大路較之諸侯僭用大路尤爲失禮且孔疏兩引左傳皆天子賜以大路其未賜者不得名路故左傳又云冢卿無路鄭君箴膏肓直謂卿以上所乘車皆曰大路似非

一月三捷傳捷勝也箋往則度乎一月之中三有勝功謂侵也伐也戰也端辰按古者言數之多每曰三與九蓋九者數之究三者數之成不必數之果皆三九也是故百義畧而曰九戩楚詞九歌九辨皆十一章而竝曰

九此以九爲紀也易王三錫命晝日三接終朝三褫之  
論語令尹子文三仕三已柳下惠三黜季文子三思泰  
伯三以天下讓此以三爲紀也此詩一月三捷特冀其  
屢有戰功亦三錫三接之類釋文三息蹇反是也箋以  
侵伐戰三省當之鑿矣

釋文三又如字蓋从鄭讀

四牡騤騤傳騤騤疆也

瑞辰

按說文騤馬行威儀也廣

雅騤騤盛也業業翼翼彭彭廣雅竝訓爲盛是知此詩

四牡業業四牡騤騤四牡翼翼義竝相同烝民傳騤騤

猶彭彭也其義亦爲盛耳至說文騫騫馬行徐而疾也

引詩四牡騫騫古夜讀與豫同奕讀與夜同故段玉裁

謂騫騫卽四牡奕奕之異文詩考以爲騤騤之異文誤

矣

小人所腓傳腓辟也箋腓當作芘此言我車者將率之  
所依乘戍役之所芘倚瑞辰按正義引王肅曰所以避  
患也何氏古義曰腓卽扉字爾雅說文皆曰扉隱也謂  
小人藉是車以爲隱蔽也胡承珙曰芘蔭與隱蔽同義  
箋讀爲芘亦所以申傳辟字陳啟源謂傳言避不敢乘  
失之

象弭魚服傳象弭弓反末也所以解紛也箋弭弓反末  
彎者以象骨爲之以助御者解轡紃宜滑也瑞辰按古  
者弓末通名弭弓之無緣者亦名爲弭釋名弓其末曰  
簫言簫梢也又謂之弭以骨爲之滑弭弭也禮稱獻弓

者執弭此弓末通名弭也爾雅弓有緣者謂之弓無緣者謂之弭詩象弭及左傳左執鞭弭此以弭爲弓名也李巡孫炎說各不同左傳疏引李巡曰骨飾兩頭曰弓不以骨飾兩頭曰弭儀禮疏引孫炎云緣謂繫束而棗之弭謂不以繫束骨飾兩頭者也當以孫說爲是儀禮既夕禮云有弭飾焉鄭注弓無緣者謂之弭弭以骨角爲飾孫炎之說蓋本鄭君郭注爾雅云緣者繳纏之卽今宛轉也其義又本孫炎太平御覽引毛詩拾遺云按左傳曰左執鞭弭弭者弓之別名謂以象牙爲弓今西方有以犀角及鹿角爲弓者今案象弭猶象輅之類特以象牙爲飾非全以象牙爲弓也弓之有緣者繫束而

漆之其弭不露故謂之弓無緣者其弭外見故謂之弭  
說文弭弓無緣可以解轡紛者蓋兼取爾雅毛傳之說  
今毛傳作解紛釋文紛本或作紛以說文證之作紛者  
是釋文驚說文方血反正義引說文驚弓戾也今本說  
文脫驚字玉篇作彌云弓戾也彌卽驚之消又按釋文  
云弭弓末反驚也李黼平曰如釋文則傳有驚字箋言  
弓反末驚者卽傳文成句耳

豈不曰戒箋戒警勅軍事也言君子小人豈不曰相警  
戒乎誠曰相警戒也釋文曰戒音越又人栗反端辰按  
以箋義求之當作日戒爲是釋文後一音是也胡承珙  
曰若作曰不必言相矣唐石經初刻正作曰後改爲日

古日月字形相似惟於音辨之耳漢書匈奴傳一切經音義六引詩竝作豈不日戒

楊柳依依

瑞辰

按韓詩薛君章句曰依依盛貌毛詩無

傳攬車牽詩依彼平林傳依茂木貌則依依亦當訓盛與韓詩同依殷古同聲依依猶殷殷亦盛也

### 出車

于彼牧矣傳出車就馬於牧地

瑞辰

按二章于彼郊矣

箋云牧地在遠郊蓋據周官載師以牧田任遠郊之地知郊卽牧也爾雅邑外謂之郊郊外謂之牧傳箋皆不引以爲據者據魯頌毛傳邑外曰郊郊外曰野野外曰林林外曰坵說文邑外謂之郊郊外謂之野野外謂之

林林外謂之門門或作垌與毛傳同皆無郊外謂之牧  
一句鄭風叔于田箋郊外曰野鄭注遂人亦曰郊外曰  
野不曰郊外曰牧是知毛公及許鄭所見爾雅皆無郊  
外謂之牧一句故傳箋不引耳李孫郭本皆有郊外謂  
之牧蓋漢魏間所增益攬釋文引李巡本牧作田案古  
田字通作畋牧字或作畋二字形近易譌作田者又畋  
字消其半耳

謂我來矣箋謂以王命召已將使爲將率也瑞辰按廣  
雅謂使也謂我來即使我來也下文謂之載即使之載  
也廣雅又曰謂指也指亦使也箋云謂以王命詔已將  
使爲將率也又云使裝載物而往正訓謂爲使

僕夫况瘁箋况茲也

瑞辰

按况者况字之俗說文况寒

水也因通爲寒苦之稱苦亦病也况瘁皆爲病與殄瘁

盡瘁同義皆二字平列箋訓况爲茲益之茲失之

王命南仲傳王殷王也南仲文王之屬

瑞辰

按竹書紀

年帝乙三年王命南仲西拒昆夷城朔方與此詩合至

常武詩南仲大祖傳王命南仲于大祖漢書古今人表

宣王時有南中與此詩南仲自爲二人漢書匈奴傳引

詩出輿彭彭城彼朔方以爲宣王與師命將征伐詩人

美其功蓋本三家詩誤以此詩南仲爲宣王時人遂以

此詩爲宣王詩

往城于方傳方朔方近獫狁之國也

瑞辰

按逸周書世



俘解呂他命伐越戲方孔晁註越戲方三邑也方疑卽詩往城于方之方

出車彭彭傳彭彭四馬貌

瑞辰

按彭彭蓋騁騁之段借

說文騁馬盛也引詩四牡騁騁今北山烝民韓奕三詩並作四牡彭彭彭旁古同聲廣雅彭彭旁旁盛也傳云四馬貌者亦謂馬盛

旂旐央央傳央央鮮明也釋文央本亦作英同於京反又於良反

瑞辰

按六月詩白旆央央出其東門疏引作

白旆英英公羊宣十二年疏引作帛旆英英釋文央音英是英央古同聲通用此詩央央亦當从釋文引別本作英英白華詩英英白雲韓詩作泱泱雲之鮮明曰英

英旂之鮮明曰英英其義一也

獫狁于襄傳襄除也釋文襄本或作攘瑞辰按襄除義

本爾雅逸周書諡法解辟地有德曰襄辟亦除也王符潛夫論引詩作獫狁于攘攘者襄之段借史記龜策傳西攘大宛徐廣曰攘一作襄襄除也古揖讓字作攘攘戎翟亦借作攘

畏此簡書傳簡書戒命也鄰國有急以簡書相告則奔命救之瑞辰按簡書卽盟書之段借古簡字讀若簡與明盟同聲通用說文簡存也从心簡省聲讀若簡經傳中因借作簡尙書多士廸簡在王庭卽存在王庭也論語簡在帝心卽存在帝心也二簡字皆簡字之段借簡

又通萌爾雅萌萌在也釋文萌或作簡邢疏萌字書作  
蕙說文作簡玉篇廣韻引爾雅竝作簡簡在也或疑簡  
萌音讀不同不得相通今按簡與罔雙聲篆文罔从月  
罔說文罔字注引賈侍中說讀與罔同說文盟字篆文  
正作盟故簡与萌得相通段盟書之借作簡書猶萌之  
通簡簡之通作簡也周官司盟掌盟載之法凡盟書多  
言患難相恤故閔元年左傳引此詩而釋之曰簡書同  
惡相恤之謂也請救邢以從簡書卽請从盟書所言耳  
凡盟必質諸神釋名盟明也告其事於神明也有不信  
者神降之禍諸國將其伐之故詩言畏此簡書也盟書  
卽戒命之詞故傳曰簡書戒命也周官司盟既盟則貳

之凡盟必用牲埋其書又各有貳以爲信俟有急難以  
其貳奔告求救故傳又曰鄰國有急以簡書相告也毛  
詩多段借毛公蓋知簡書卽盟書故以戒命釋之耳正  
義以簡書爲書之于簡失其義矣古書未有不書於簡  
者若泛言簡書左傳何以言同惡相恤詩又何以言畏  
乎

執訊獲醜傳訊辭也箋訊言醜衆也執其可言問所獲  
之衆以歸者當獻之也端辰按王制出征執有罪反以  
訊讞告爾雅讞獲也是訊讞二字對舉訊卽執訊讞卽  
獲醜也說文辭訟也从言辛言猶理辜也傳訓訊爲  
辭者蓋以訊爲爭訟之人箋訓訊爲言者義本爾雅訊

言也廣雅言問也古者通以言爲問故箋複舉言問以  
申釋之恐人以言問之言誤爲言語之言也傳箋義近  
而詁殊蓋辭屬下之訟說訊屬下之可言問正義謂傳  
言可與之言辭與箋同是誤以辭爲言辭竝誤以箋之  
訊言爲言語矣執訊對獲醜言醜爲衆賊則可訊言者  
指元惡據文十七年左傳鄭子家使執訊而與之書杜  
注執訊通訊問之言則訊爲軍中通訊問之人蓋謀者  
之類執訊獲醜二者相對成文箋以獲醜承執字言亦  
非隸釋有執訊獲首之語蓋本三家詩以醜爲首之段  
借又按此詩獲字無傳陳碩甫曰皇矣傳曰馘獲也不  
服者殺而獻其左耳曰馘彼傳釋馘爲獲則此詩獲卽

馘之以借生者訛之殺者則馘之也箋訓獲爲得失之  
玃玃于夷傳夷平也瑞辰按于夷猶于襄也夷當讀如  
發夷之夷說文發曰足蹋夷草引春秋傳曰發夷蘊崇  
之夷與薙通周官薙氏注故書薙或作夷夷亦除也平  
與除義正相近

杖杜

有睨其實傳睨實貌釋文睨字從白或從目邊瑞辰按  
今本說文有睨無睨云睨日出貌也睨當爲睨字之譌  
說見凱此詩正義有睨然其實本亦譌爲睨然其實是  
風篇睨睨二字易譌之證睨爲目出貌鳥之好貌曰睨睨禮  
檀弓疏引傳明星之睨貌曰睨彼大東傳睨木之實兒  
作睨睨好貌

曰有皖其義一也說文白部無皖字釋文本皖乃皖字  
之譌古文白字作見見說文與目形相似蓋皖或譌作皖  
因爲爲皖矣

繼嗣我日箋嗣續也王事無不堅固我行役續嗣其日  
言常勞苦無休息瑞辰按鹽鐵論古者行役不踰時春  
行秋反秋行春反此詩戍役蓋以春行至秋杜成實已  
近秋時過期不反故曰繼嗣我日下云日月陽止則又  
冀其冬時得歸耳

檀車輶輶傳檀車役車也輶輶敝貌釋文輶尺善反又  
勅丹反說文云車敝也从巾單韓詩作綏音同瑞辰按  
何草不黃篇有棧之車傳棧車役車也與此傳訓檀車

爲役車正同曾釗曰毛意檀車卽棧車蓋聲轉耳周禮序官廛人注杜子春讀壇爲廛方言廛或曰踐是壇廛踐聲近可通之證壇檀皆从亶聲棧踐皆从妾聲則檀棧亦可通借今按曾說是也正義謂以檀木爲車失之又按說文緩偏緩也義本韓詩又揮字註讀若行遲驪驪又繹帶緩也廣雅緩緩緩也又曰繹緩也繹繹古音義同物敞則緩義正相通

卜筮偕止箋偕俱瑞辰按廣雅皆嘉也疏證曰皆嘉一聲之轉字通作偕魚麗詩維其嘉矣又曰維其偕矣賓之初筵詩飲酒孔嘉又曰飲河孔偕偕亦嘉也今按此詩卜筮偕止偕亦當訓嘉嘉卽吉也謂卜與筮皆吉也



占遠人者以近爲吉故下卽云會言近止矣

會言近止傳會人占之

瑞辰

按孔廣森曰會合之字皆

从亼說文亼三合也禮旅占必三人會有三義故傳云會人占之今按孔說是也古者卜用三兆筮用三易各以一人掌之卜筮皆三人洪範立時人作卜筮三人占則從二人之言鄭注卜筮各三人大卜掌三兆三易周官九筮筮參其一謂占必三人參之也士冠禮筮人還東面旅占注旅衆也還與其屬共占之國語三人成衆旅占亦卽三人占之義又國語天子舉以太牢祀以會韋昭註會會三大牢三太牢謂之會三人占謂之會其取義於三合一也若但以爲卜與筮會則上已言卜筮

借止不須復言卜與筮會且傳不得言會人也又按爾雅釋言集會也說文人讀若集又曰合人口也會合也三口相同爲合是皆會爲三合之證說文集字正作彙云羣鳥在木上从隹木隹从三佳亦有三合之義又按周禮筮人九筮九曰筮環環之言還也蓋筮征夫之還期此詩會言近止征夫邇近卽筮環之語

### 魚麗

鱮魚傳鱮揚也鱮鮓也

瑞辰

按正義引陸疏云鱮一名

黃頰魚據山海經東山經番條之山減水出焉其中多鰕魚郭註一名黃頰音感是鱮名黃頰卽今俗名鰕魚也至鱮鮓爾雅郭註今吹沙小魚體圓而有點文據後

漢書注引廣志云吹沙大如指太平御覽引臨海異物志云吹沙長三寸是吹沙爲小魚惟羅願云今人呼爲重唇魚厚特甚有若鼃鼃今遼東有重唇魚長尺許身有點文通志謂卽詩之鯨其說蓋本羅願則非郭璞所云吹沙小魚矣釋文鯨亦作魴說文魴魴魚也出樂浪番國此又一種海魚非卽詩之鯨

君子有酒旨且多箋酒美而此魚又多也

端辰

按此二

句釋文與正義異讀釋文云有酒旨絕句且多此二字爲句後章放此異此讀則非正義云又君子有酒矣其魚如何酒旣旨美且魚復衆多是讀旨且多三字爲句今按凡詩言且者多連上爲句正義讀是也至箋以且

多且旨且有屬魚則非旨且多且旨旨且有自專指  
酒言之下章物其多矣又承上章而推及衆物此序所  
云美萬物盛多也箋以物屬魚亦非

魴鱧傳鱧鮓也正義曰釋魚云鱧鮓舍人曰鱧名鮓郭  
璞曰鱧鮓徧檢諸本或作鱧鮓或作鱧鮓若作鮓似與  
郭璞正同若作鮓又與舍人不異或有本作鱧鮓者定  
本鱧鮓與鮓音同

瑞辰

按下章傳鱧鮓鮓鮓皆從爾

雅則此章亦从爾雅作鱧鮓爲是鮓鮓古今字卽今俗  
稱鮓子魚舍人曰鱧名鮓是也郭註誤分鱧鮓爲二因  
誤以鱧爲鮓鮓卽今之烏魚說文鮓一曰鱧也後人蓋  
誤合鱧與鮓爲一又因郭註以鱧爲鮓遂改毛傳鱧鮓

作鰾鯛矣至正義云或有本作鰾鰾者據說文鰾鰾也鰾鰾也鰾即今之化魚俗名回魚說文或別有所受後人遂據說文以改毛傳耳

鰾鰾傳鰾鰾也

瑞辰

按說文鰾鰾也鰾鰾也

今本作鰾鰾也段玉

裁謂鰾爲鰾字之譌

字或作鰾爾雅孫炎註亦曰鰾一名鰾郭璞

謂鰾鰾各爲一物非也廣雅鰾鰾鰾也鰾取黏滑之義蓋魚之無鱗者耳

旨且有箋酒美而此魚又有

瑞辰

按朱子集傳曰有猶

多也其說是也說文鰾兼有也廣雅鰾有也鰾音近鰾爾雅鰾有也鰾訓雜與多義近又訓爲有則有亦多也公劉詩爰衆爰有有猶衆也戴震曰有猶備也衆與備

皆多也旨且有猶云旨且多變文以協韻耳甫曰詩終善且有有亦多也

### 南陔

序南陔孝子相戒以養也瑞辰按陔陔古通用周官鍾師賦夏杜子春曰賦當爲陔鼓之陔賈疏引儀禮奏陔爲證是陔卽賦也說文賦宗廟奏賦樂以示戒聲陔階次也从阜亥聲二字異義序云孝子相戒以養禮經賓出奏陔夏注曰以爲行節正以戒釋陔知陔卽賦之段借束皙補亡詩直以陔爲階次失之又按白虎通五行篇南方者任養之方萬物懷任也樂記注南風長養之風也孝養與長養義正相似是知序言孝子相戒以養

者戒以釋咳養則以釋南也